



Concello de Betanzos
Praza de Galicia, nº 1, 15300 Betanzos, A Coruña

Teléfono: 981 770 011
Fax; 981 776 529

web: www.betanzos.net
sede electrónica: <https://sede.betanzos.es>
e-mail: correobetanzos.net

CONVENIO DE COLABORACIÓN ENTRE O CONCELLO DE BETANZOS E A ASOCIACIÓN DE COMERCIANTES E EMPRESARIOS DE BETANZOS CENTRO COMERCIAL ABERTO (A.C.E.BE.C.C.A), PARA O FINANCIAMENTO DAS ACTIVIDADES DO 2022

EXP.: 2023/A007/000004

REUNIDOS

Dunha parte, dona María Barral Varela, DNI núm. 79311249G, alcaldesa do Concello de Betanzos, en nome e representación do concello, en virtude das facultades que lle atribúe o artigo 21.1 b da Lei 7/1985, do 2 de abril, reguladora das bases de réxime local.

Doutra parte, dona María Luisa Pérez Iglesias, DNI núm. 32767233F, na súa calidade de presidenta da Asociación de Comerciantes e Empresarios de Betanzos Centro Comercial Aberto (A.C.E.BE.C.C.A), con CIF nº G15153869, con domicilio nesta Cidade, Praza Mestre Xosé Dapena nº 1, en nome e representación da dita entidade.

MANIFESTAN

- I. Que o Concello de Betanzos, de acordo co previsto na Lei 38/2003, do 17 de novembro, xeral de subvencións (en diante, LXS) e na Lei 9/2007, do 13 de xuño, de subvencións de Galicia (en diante, LSG), pode conceder de forma directa, as subvencións previstas nominativamente no orzamento xeral municipal.
- II. Que ambas partes teñen plena capacidade e lexitimidade para formalizar este convenio.
- III. Que o obxectivo deste convenio é colaborar coa Asociación de Comerciantes e Empresarios de Betanzos Centro Comercial Aberto (A.C.E.BE.C.C.A), para o mantemento dos servizos e actividades desenroladas no ano 2022.
- IV. Que a entidade beneficiaria arriba referenciada ten como obxecto primordial a defensa dos intereses comúns dos comerciantes e empresarios de Betanzos e, en especial os que figuran no artigo 6 dos Estatutos desta Asociación:
 - a) Fomento da colaboración dos empresarios e comerciantes que a integran.
 - b) Promover as mellores condicións para o fomento da iniciativa privada no seu ámbito territorial.
 - c) Constituírse en interlocutora e mediadora entre os seus asociados e as autoridades públicas e privadas.
 - d) Velar polo desenvolvemento das condicións ideais para a actividade empresarial.
 - e) Contribuír á mellora da imaxe dos nosos asociados.
 - f) Colaborar coas autoridades públicas na procura da mellora da calidade de vida en Betanzos e o seu fomento como zona turística, comercial e industrial.
- V. Que ante o interese coincidente, as dúas partes acordan formalizar e asinar este convenio de colaboración que se axustará ás seguintes:

CLÁUSULAS

PRIMEIRA. FUNDAMENTO LEGAL

O artigo 22.2 a) da LXS, (artigo 19.4 a) LSG) establece que poderán concederse de forma directa subvencións previstas nominativamente nos orzamentos das entidades locais, nos termos recollidos nos convenios e na normativa reguladora destas subvencións.



Concello de Betanzos
Praza de Galicia, nº 1, 15300 Betanzos, A Coruña

Teléfono: 981 770 011
Fax; 981 776 529

web: www.betanzos.net
sede electrónica: <https://sede.betanzos.es>
e-mail: correobetanzos.net

SEGUNDA. OBXECTO E PERÍODO DE VIXENCIA DO CONVENIO

O presente convenio ten por obxecto establecer as bases de colaboración para a concesión dunha subvención nominativa por parte do Concello de Betanzos á Asociación de Comerciantes e Empresarios de Betanzos Centro Comercial Aberto (A.C.E.BE.C.C.A), para o financiamento do seu funcionamento e da actividade efectuada pola asociación durante o ano 2022, sendo ésta a "promoción e dinamización comercial". Os gastos de funcionamento comprenderían tanto gastos de suministro, mantemento das instalacións e dos equipos informáticos, asesoría externa, envíos e repartos de material, servizos de prevención de riscos e vixilancia da saúde dos traballadores, entre outros, sen prexuízo doutros gastos ocasionados no desenvolvemento das distintas actividades.

"ACTIVIDADE: PROMOCIÓN E DINAMIZACIÓN COMERCIAL

ACTIVIDADES REALIZADAS:

ACEBE CCA desenvolve actividades de dinamización comercial de cara á promoción económica do Concello de Betanzos. Os eventos de dinamización comercial organizados por ACEBE CCA funcionan como polo de atracción de clientes, visitantes e turistas que se achegan a Betanzos en busca dunha oferta comercial concreta e encontran en Betanzos un lugar idóneo para desfrutar dun perfecto día de compras xa que a oferta hostaleira da cidade complementa á perfección a oferta comercial de Betanzos.

As actuacións levadas a cabo pola Asociación de Comerciantes e Empresarios de Betanzos tales como as actividades de dinamización do comercio local a través de eventos de promoción comercial e da publicación mensual "Betanzos e a súa Comarca" pretenden dar a coñecer as excelentes cualidades do comercio local así como das especiais características do Concello de Betanzos para o desenvolvemento da actividade comercial e empresarial.

As facturas que se adxuntan xunto coa xustificación do convenio de colaboración corresponden a custos correntes de funcionamento de ACEBE CCA e a custos das campañas promocionais de Nadal, Verán e Samáin.

Estas facturas que se presentan para xustificar as actividades realizadas non se presentaron nin se presentarán para xustificar ningunha outra subvención.

Custos correntes de funcionamento de ACEBE CCA:

Inclúense facturas de gastos correntes e necesarios para o funcionamento da asociación tales como as de suministros, mantemento das instalacións e dos equipos e programas informáticos, asesoría externa, envíos e repartos de material, servizos de prevención de riscos e vixilancia da saúde dos traballadores, seguros, etc. Tamén se presentan facturas de gastos notariais por préstamos solicitados pola asociación para facer fronte ás facturas necesarias para a realización das actividades comprendidas nesta memoria.

Campaña de Nadal:

A Campaña de Nadal 2021-2022 estaba denominada "**BETANZOS ILUMINA O TEU NADAL**" e celebrouse nos meses de decembro de 2021 e xaneiro de 2022.

A campaña consistiu no sorteo, mediante o reparto de boletos, de oito premios entre os clientes dos establecementos asociados á entidade. Os premios eran "Acebecheques" por valor de 1.500 € divididos en oito premios. Para facer o sorteo distribuíronse 180.000 boletos entre os establecementos asociados a ACEBE CCA, que repartiron entre os seus clientes no momento de facer as compras de Nadal. Cada boleto tiña dúas partes, unha rifa para o cliente e unha matriz para o establecemento que lle entregou a participación. As dúas partes de cada boleto estaban numeradas co mesmo número.



Concello de Betanzos
Praza de Galicia, nº 1, 15300 Betanzos, A Coruña

Teléfono: 981 770 011
Fax; 981 776 529

web: www.betanzos.net
sede electrónica: <https://sede.betanzos.es>
e-mail: correobetanzos.net

No mes de xaneiro de 2022 recolléronse as matrices dos boletos, que estaban nos establecementos asociados, para metelas nunha urna e que participasen no sorteo, que se celebrou ante notario. Unha vez realizado o sorteo enviouse a tódolos socios unha circular cun cartel que recollía a información dos números premiados e da forma de reclamar o premio, para que se colocase nos escaparates e así chegase a información aos clientes.

Os gastos que se inclúen nesta memoria correspondentes a esta campaña son as facturas da recollida das matrices nos establecementos e o reparto da circular dos números premiados.

Os principais custos deste evento non se inclúen na relación de gastos presentada xunto con esta memoria debido a que se presentaron para xustificar outras subvencións.

Na Campaña de Nadal colabora Gadis. Esta colaboración consiste nunha aportación económica destinada a financiar os premios económicos do sorteo (acebecheques) e outros custos que non se utilizan para xustificar esta subvención.

Campaña de Verán:

A Campaña de Verán tiña como lema “**BETANZOS ÉNCHESE DE SOLES**” e desenvolveuse nos meses de xuño e xullo de 2022. A campaña consistiu no sorteo, mediante o reparto de cartillas e pegatinas, de 32 premios por un valor total de 1.200 euros. Estes premios foron mercados por ACEBE CCA en 32 establecementos asociados de diferentes sectores seleccionados por sorteo.

As empresas asociadas a ACEBE CCA repartiron entre os seus clientes 11.200 cartillas e 112.000 pegatinas.

Os clientes tiñan que pegar en cada cartilla 10 pegatinas e depositalas nos establecementos asociados, quedándose có resguardo. O resguardo da cartilla tiña impreso o mesmo número que a cartilla. ACEBE encargou a unha empresa a recollida de tódalas cartillas depositadas nos establecementos asociados para metelas na urna e que participasen no sorteo, celebrado ante notario.

Unha vez realizado o sorteo enviouse a tódolos socios unha circular cun cartel que recollía a información dos números premiados e da forma de reclamar o premio, para que se colocase nos escaparates e así chegase a información aos clientes.

Os gastos que se inclúen nesta memoria correspondentes a esta campaña son as facturas do reparto do material promocional da mesma entre os establecementos asociados, o reparto da circular dos números premiados, e as facturas dalgún dos premios entregados aos posuidores dos resgardos das cartillas premiadas.

Os principais custos deste evento non se inclúen na relación de gastos presentada xunto con esta memoria debido a que se presentaron para xustificar outras subvencións.

Na Campaña de verán colabora Gadis. Esta colaboración consiste nunha aportación económica destinada a financiar outros custos que non se utilizan para xustificar esta subvención.

Campaña de Samaín:

A Campaña de Samaín consistiu na celebración da actividade de “truco ou trato” nos establecementos asociados, organizando unha compra conxunta de doces para agasallar aos clientes que visitasen os negocios a tarde do 31 de outubro. Esta actividade promocionouse a través das redes sociais e do reparto de cartelería entre os establecementos participantes.

Os gastos que se inclúen nesta memoria correspondentes a esta campaña son as facturas da impresión e o reparto de cartelería, que non se utilizan para xustificar ningunha outra subvención.”



Concello de Betanzos
Praza de Galicia, nº 1, 15300 Betanzos, A Coruña

Teléfono: 981 770 011
Fax; 981 776 529

web: www.betanzos.net
sede electrónica: <https://sede.betanzos.es>
e-mail: correobetanzos.net

O período de vixencia do presente convenio abrangue dende o 1 de xaneiro ata o 29 de decembro de 2023 (último día hábil do ano), aínda que o obxecto da subvención refírase a gastos correspondentes ao exercicio 2022.

TERCEIRA. CRÉDITO ORZAMENTARIO

O Concello de Betanzos comprométese a destinar a cantidade máxima de 14.000,00 euros no orzamento do ano 2023, con cargo á aplicación orzamentaria 433.482.00. A dita cantidade debe destinarse única e exclusivamente ao financiamento dos gastos que orixine a realización das actividades sinaladas no proxecto presentado pola Asociación de Comerciantes e Empresarios de Betanzos Centro Comercial Aberto (A.C.E.BE.C.C.A).

CUARTA. GASTOS SUBVENCIONABLES

Serán subvencionables os gastos derivados do desenvolvemento da antedita actividade, ata un máximo de 14.000,00 euros, realizadas dende o 1 de xaneiro ata o 31 de decembro de 2022.

Terá a consideración de gasto realizado o que foi efectivamente pagado con anterioridade á finalización do período de xustificación.

Establécese a compatibilidade con outras subvencións ou axudas doutras administracións ou entes públicos ou privados, que poida percibir o beneficiario. Non obstante, o importe da subvención concedida, en ningún caso, poderá ser de tal contía que, en concorrencia con subvencións ou axudas doutras administracións ou entes públicos ou privados supere o custo da actividade a desenvolver polo beneficiario.

QUINTA. DOCUMENTACIÓN

Para a plena efectividade do presente convenio, deberá achegarse a seguinte documentación:

- a) Acreditación da personalidade do beneficiario mediante a presentación da fotocopia cotexada do CIF da entidade.
- b) Acreditación da personalidade do seu representante mediante a presentación da fotocopia cotexada do DNI da persoa que vai subscribir o presente convenio.
- c) Memoria explicativa das actividades que se pretenden levar a cabo coa subvención, incluíndo un orzamento detallado dos gastos ocasionados polas actividades para as que se solicita a subvención e dos ingresos previstos para o seu financiamento.
- d) Declaración xurada de se foron solicitadas ou non outras subvencións para a mesma finalidade, procedentes das distintas administracións públicas ou calquera dos seus organismos dependentes, entes ou sociedades, ou doutros organismos privados.
- e) Declaración xurada de que a entidade está ao corrente das súas obrigas tributarias en xeral (Estado e Comunidade Autónoma), e en concreto, co Concello de Betanzos, e coa Seguridade Social, e que non é debedor por resolución de procedencia de reintegro. Non obstante, mediante a firma do presente convenio a Asociación de Comerciantes e Empresarios de Betanzos Centro Comercial Aberto (A.C.E.BE.C.C.A) autoriza ao Concello de Betanzos a realizar as comprobacións oportunas ante as citadas administracións, de estar ao corrente das obrigas tributarias e coa Seguridade Social.
- f) Declaración responsable de non estar incurso a entidade en ningunha das causas que determina o art. 13.2 da LXS (art. 10.2 LSG).
- g) Certificación dos datos bancarios da entidade.

No caso de que algunha da antedita documentación obrase en poder do concello, exímese da súa presentación.

En todo caso, a devandita documentación deberá constar no momento da sinatura do presente convenio.



Concello de Betanzos
Praza de Galicia, nº 1, 15300 Betanzos, A Coruña

Teléfono: 981 770 011
Fax; 981 776 529

web: www.betanzos.net
sede electrónica: <https://sede.betanzos.es>
e-mail: correobetanzos.net

SEXTA. OBRIGAS DO BENEFICIARIO

Son obrigas do beneficiario:

- Haber levado a cabo a totalidade das actividades que se establecen na memoria presentada ao efecto da obtención desta subvención (ao ser con efectos retroactivos para as actividades do ano 2022).
- Lucir o logotipo do Concello de Betanzos e facer constar a cooperación do concello en todas as actuacións que se desenvolvan ao abeiro deste convenio.
- Asociación de Comerciantes e Empresarios de Betanzos Centro Comercial Aberto (A.C.E.BE.C.C.A) asume as obrigas derivadas da promoción e dinamización das actividades
- Cumprir coas obrigas que se establecen nas bases de execución do orzamento do 2023 do Concello de Betanzos.

SÉTIMA. XUSTIFICACIÓN E PAGAMENTO

O pagamento do importe total do convenio farase no momento no que se xustifique debidamente o cumprimento total da finalidade do presente convenio.

O pagamento da subvención efectuarase mediante o ingreso na conta bancaria sinalada para o efecto polo beneficiario.

O beneficiario deberá presentar a conta xustificativa como máximo no prazo de tres meses dende que se firme o convenio e como data límite o 29 de decembro de 2023 (último día hábil do ano).

O importe dos gastos xustificativos deberá ser, como mínimo, o importe da cantidade asignada neste convenio. En caso de non xustificar o importe total do convenio verase reducido proporcionalmente o importe a percibir.

Para a xustificación das cantidades asignadas neste convenio, deberá presentarse a seguinte documentación:

- Memoria explicativa e detallada das actividades que se realizaron, con expresa mención dos resultados obtidos, incluíndo unha relación dos gastos ocasionados polas actividades que se realizaron e dos ingresos que se obtiveron para as ditas actividades. Acreditación gráfica do cumprimento de facer constar a colaboración do Concello de Betanzos en toda a información que se faga das actividades subvencionadas (folletos, carteis, libros, vídeos, CD's, etc).
- Declaración xurada que acredite o cumprimento da finalidade da subvención mediante a realización das actividades para as que se concedeu a subvención.
- Declaración xurada que acredite que non se obtivo ningunha outra subvención ou axuda para a mesma finalidade, ou, polo contrario, onde conste unha relación detallada doutras subvencións ou axudas concedidas para a mesma finalidade.
- Orixinal ou fotocopia compulsada ou cotexada das facturas representativas dos gastos realizados. As facturas deberán cumprir os requisitos esixidos polo Real decreto 1619/2012, do 30 de novembro, polo que se aproba o regulamento polo que se regulan as obrigas de facturación.
No caso de que a realización das actividades obxecto da subvención xeren gastos de persoal, xustifícanse mediante nómina, factura ou documento equivalente (orixinais ou fotocopias cotexadas). Así como xuntar a xustificación do pagamento dos devanditos gastos.
- Declaración xurada ou certificacións (artigo 24 Real decreto 887/2006, do 21 de xullo, polo que se aproba o regulamento da Lei 38/2003 xeral de subvencións; en diante RLXS) de que a entidade está ao corrente das súas obrigas tributarias en xeral (Estado e Comunidade Autónoma), e en concreto, co Concello de Betanzos, e coa Seguridade Social, e que non é debedor por resolución de procedencia de reintegro. No caso de que se autorice ao Concello, éste efectuará esta comprobación de oficio.



Concello de Betanzos
Praza de Galicia, nº 1, 15300 Betanzos, A Coruña

Teléfono: 981 770 011
Fax; 981 776 529

web: www.betanzos.net
sede electrónica: <https://sede.betanzos.es>
e-mail: correobetanzos.net

De non presentar a xustificación no prazo establecido, ou non desistir de forma motivada e por escrito no mesmo prazo, incoarase expediente de anulación do correspondente compromiso que levará a perda do dereito de cobro da subvención.

Este prazo entenderase sen prexuízo do prazo de dez días, que se concederá no caso de presentación de documentación incompleta ou defectuosa para a súa rectificación.

Mediante acordo do órgano competente acreditarase o cumprimento da finalidade, que constitúe o obxecto do presente convenio, procedéndose á aprobación da conta xustificativa presentada polo beneficiario. Todo isto, sempre e cando a documentación xustificativa fose a correcta.

OITAVA. MODIFICACIÓN

Toda alteración das condicións que se tiveran en conta para a concesión desta axuda e, en todo caso, a obtención concorrente de subvencións ou axudas outorgadas por outras administracións ou entes públicos ou privados, nacionais ou estranxeiros, poderá dar lugar á modificación da contía da axuda que se contempla neste convenio.

NOVENA. CAUSAS DE RESOLUCIÓN

Serán causas de resolución deste convenio:

- O incumprimento de calquera das cláusulas establecidas no presente convenio.
- A aplicación dos fondos outorgados no convenio para fins distintos dos que motivaron a súa concesión.
- A falta de xustificación do emprego das contías recibidas.

DÉCIMA. COMISIÓN SEGUIMIENTO

Constitúese unha comisión mixta de seguimento, control e avaliación á que serán sometidas todas as cuestións derivadas do desenvolvemento deste convenio, así como a resolución de cantas dúbidas poidan xurdir sobre do mesmo. Esta Comisión estará composta en representación do Concello de Betanzos polo/a concelleiro/a delegado/a da área (quen poderá delegar no funcionario dese área que estime oportuno), e pola outra parte o representante legal da entidade ou persoa na que delegue.

A Comisión terá as seguintes funcións:

- 1.- Facer o seguimento e control do cumprimento do convenio.
- 2.- Interpretar e resolver as dúbidas, que se puideran suscitar na aplicación do convenio.

UNDÉCIMA. CONTROL FINANCEIRO, REINTEGRO DA SUBVENCIÓN E SANCIÓN

Consonante ao disposto nos artigos 44 e seg. da LXS e artigos 41 e seg. da LSG, a entidade beneficiaria poderá ser escolleita pola Intervención Municipal para a realización dun control financeiro sobre a subvención pagada, co fin de acreditar a efectiva aplicación dos fondos á finalidade para a que foron concedidos, o correcto financiamento da actividade e o cumprimento de todas as demais obrigas formais e materiais que lle impón o presente convenio de colaboración.

O reintegro da subvención procede e regúlase segundo o recollido nos artigos 37 e seg. da LXS (artigos 32 a 40 da LSG) e o artigo 11 da Ordenanza xeral de subvencións do Concello de Betanzos.

Con respecto ao réxime de infraccións e sancións, éste aparece regulado no título IV da LXS e LSG. Sendo o procedemento sancionador regulado no título IV do RLXS e título VI do "Decreto 11/2009, de 8 de xaneiro, polo que se aproba o Regulamento de la Ley 9/2007, de 13 de junio, de subvencións de Galicia." Sendo reguladas no artigo 13 a 18 da Ordenanza xeral de subvencións do Concello de Betanzos, as infraccións e sancións.



Concello de Betanzos
Praza de Galicia, nº 1, 15300 Betanzos, A Coruña

Teléfono: 981 770 011
Fax; 981 776 529

web: www.betanzos.net
sede electrónica: <https://sede.betanzos.es>
e-mail: correobetanzos.net

DUODÉCIMA. NATUREZA

O presente convenio ten natureza administrativa, as resolucións que se adopten porán fin á vía administrativa, polo tanto, contra elas só cabe recurso ante a xurisdición contencioso-administrativa.

DÉCIMO TERCEIRA. INTERPRETACIÓN

Para a resolución de calquera dúbida ou incidencia que poida xurdir durante a execución do obxecto do convenio, aplicarase suplementoriamente a LXS, o RLXS, a LSG e as Bases de execución do orzamento do ano 2023.

E en proba da súa conformidade asinan o presente convenio.

A Alcaldesa

Asdo.: María Barral Varela

A representante do ente beneficiario

Asdo.: María Luisa Pérez Iglesias